



ԳԱՐՍԵՎԱՆ ՍՐԿ. ԵՐԱՆՅԱՆ

ՔԱՐՈՋԽՈՍՈՒԹՅՈՒՆ
«Յանուն Հօր և Որդւոյ և Հոգւոյն Սրբոյ. Ամէն»

«Իսկ եթէ սկիզբն սուրբ է, և զանգումն. եւ եթէ արմատն՝ ապա և ոստքն» (Հոռմ. ԺԱ 18): «Իսկ եթէ երախայրիքը սուրբ է, սուրբ է և զանգվածը. և եթէ արմատը սուրբ է, սուրբ են նաև ճյուղերը»:

Սիրելի հավատացյալ ժողովուրդ, արարչագործությունից հետո մարդկության կողմից կատարված անօրինությունների ու աստվածամերժ գործերի պատճառով Աստված սթափեցրեց անհավատ մարդկային ցեղը, կենդանի թողնելով միայն Նոյ Նահապետին, որը պետք է դառնար մոր մարդկության մախափալը: Ավաղ, ինչպես Նոյի մախորդները, այնպես էլ հետնորդները անկարող գտնվեցին երկրային գայթակղությունների առջև, շեղվեցին դեպի հավիտենական անմահությունն առաջնորդող ուղուց, դարձան չար ուժերի կամակատարներ: Եվ մեղքի ծանրության տակ կորացած մարդը այնքան էր մխրճվել գայթակղության ճահիճը, որ անկարող էր առանց աստվածային լուրջ միջամտության խույս տալ անխուսափելի մահվանից: Այդ իսկ պատճառով Աստված Իր ընտրած մարգարեների միջոցով հաշտեց Մեսիայի գալստյան մասին: Սակայն, երբ ակնկալված Մեսիայի գալուստը «ի լուսն ժամանակի» իրականություն դարձավ, Աստուծո կողմից ընտրված միջավայրը չընդունեց նրան: Քանզի իր հոգին ուրացած մարդ արարածը այնքան էր տարվել նյութապաշտ կյանքով, որ Տիրոջ կողմից առաքվող Մեսիայի գալուստը հազիվ երկրային իմաստով հասկացավ:

Տիրոջ կողմից ընտրված այդ միջավայրը հրեա ժողովուրդն էր, որի սրբակենցաղ առաջնորդներին Աստված Իր տեսությանը արժանացնելուց քացի՝ դարձրեց այն վեմը, այն Սուրբ Արմատը, որի վրա պիտի հիմնվեր մորաստեղծ Եկեղեցին: Պողոս առաքյալը հրեաներին համեմատելով ձիթենու, իսկ հեթանոսներին՝ վայրի ձիթենու հետ, ասում է. «Բայց քանի որ ձիթենու բնական ճյուղերը անպտուղ ու անպիտան գտնվեցին, Տերը նրանց փոխարեն պատվաստեց վայրի ձիթենուց վերցրած ճյուղեր», որոնք էլ, հաղորդակցվելով Սուրբ Արմատի հետ, հեռագայում դարձան նրա կեդանի ու սրողատու մասը: Հրեաների անհավատարմությունն ու անհավատությունը առիթ դարձան՝ Ավետարանը հեթանոսների մեջ քարոզելու համար: Իսկ հեթանոսները այդ փառքին արժանացան միմիայն իրենց հավատքի միջոցով. «Նրանք իրենց անհավատության պատճառով կտորովեցին, իսկ դու հավատով հաստատ մնացիր» (Հոռմ. ԺԱ 20), ասում է Պողոս առաքյալն ու շարունակում. «Ամենայն որ հաւատասցէ ի մա՛ մի՛ ամաշեսցէ: Զի ոչ գոյ խոիր Հրէի ե հեթանոսի. քանզի նոյն Տէր է ամենեցուն, բաւական յամենեսին ողբ կարդան առ մա. Զի

ամենայն որ կարդասցէ զանուն Տեառն՝
'եցցէ'» (Հոով. Ժ 11-13):

Եւ ապրելու ամհուն տենչով լցված Տիրոջ անունը կանչողների թվում էինք մաս մենք, մեր ժողովուրդը, ու ամենողորմ Աստված անպատասխան չթողնելով մեր պաղատանքները, իր առաքյալների ձեռքով սսկավ ընտրյալների թվում մաս մեզ պատվաստեց ձիթենու Սուրբ Արմատին:

Արժանի՝ էինք մենք դրան, թե ոչ, այդ ցույց է տալիս մեր երկհազարամյա պատմությունը: Առաքյալների օրինակով մեր անդրամիկ մահատակները իրենց սուրբ արյամբ մո'ր ուժ հաղորդեցին մորաբողբոջ ոստերին, դրանք դարձրին հաստատուն ու աներեր: Թեև մեր թշնամիները բազմիցս ճկելով այդ ոստերը փորձեցին այն կտրել Սուրբ Արմատից, մեզ անհաղորդ դարձնել աստվածային լույսին, բայց միշտ էլ մատնվեցին անհաջողության, քանզի մեր հավատքը հիմնված էր ոչ թե ավազի, այլ բյուրավոր մահատակների արյամբ սրբազործված անշարժ Վեմի վրա: Քրիստոնեությունը պետականորեն ընդունելուց դեռ մեկ տասնամյակ չանցած, երբ բյուզանդական Մաքսիմիանոս Դսւյա կայսրը մեծ բանակով փորձեց հողին հավասարեցնել հայոց «անհավատների» աշխարհը, ողջ հայ ժողովուրդը մեկ հոգի դարձած, զինվորի սրին միացնելով տերունական Խաչը, ելավ պայքարելու իր հավատքի ու հայրենիքի համար: Եւ հաղթեց: Իր հավատքի հաստատումով հաղթեց մաս Վարդանանց պատերազմում, իր ո'յջ պատմության ընթացքում: Նա դարավոր դյուցազնական պայքարով համայն մարդկությանը ցույց տվեց, որ հայ ազգը չորացած ոստերի պես մատնված չէ՝ կորուստի, դատապարտված չէ՝ հավիտենա-

կան վախճանի, այլ մա պետք է շարունակի ապրել, պտղաբերել, իր մոր խոսքն ասել ողջ աշխարհին:

Հայ ազգը մման է այն հաստաբուն կաղնուն, որն իր սրբազան արմատները մըխըրճելով Հայոց լեռնաշխարհի մեջ, սընվում է այնտեղից, մայր հողից կառչած՝ դարեր շարունակ ընդդիմացել է տարանցիկ կործանարար հողմերին, անշարժ պահելով հողմածեծ բունը, և ինչու չէ մաս՝ իրեն սնուցող հողը:

Պողոս առաքյալի այս պատկերավոր խոսքը իր մեջ պարունակում է մաս միասնականության, անբաժանելիության գաղափար: Մեզ համար Սուրբ Արմատը սրբազան երկիր Հայաստանն է, ճյուղերն ու տերևները՝ հայ ժողովուրդը, բռնը՝ այդ երկուսի միասնությունը: Եւ միայն այդ միասնության շնորհիվ մենք կարող ենք աճել ու զորանալ, ծաղկել ու պտղաբերել, շենացնել երկիր Հայաստանը:

Սուրբ Արմատը մեր ազգն է, ոստերը՝ մենք: Եւ մեզանից ում համար որ օտար են բյուրավոր մախնիների արյամբ ձեռք բերված մեր «Սրբություն Սրբոցները»՝ Հողը, Հավատքը, Պատմությունն ու Մշակույթը, մա չորացած ոստ է մեր Սուրբ Արմատի վրա և դատապարտված այն մույն վախճանին, որին Տիրոջ կողմից արժանացան ձիթենու գոսացած ճյուղերը:

Արդ, սիրելի բարեպաշտ ժողովուրդ, խնդրենք բարձրյալ Աստծուն, որ ուժ ու կարողություն շնորհի հայկազյան տոհմի զավակներին՝ մեր տառապած, բայց և փառապանծ ազգի Սուրբ Արմատի վրա հաստատուն մնալու, մրան արժանի ոստեր կոչվելու համար այժմ և միշտ և հավիտյան հավիտենից, ամեն:

